

Rabas 100 % virgi buvttadeaddjin/gaskkusteaddjin Sámi Dáiddaguovddážiis

Sámi Dáiddaguovddáš (SDG) lea Sámi dálá áiggi dáidaga njunušguovddáš, mii bargá maidái sámi dáidagiin riikkaidgaskasaččat. Guovddáš doaibmá odđa, viiddis ja geasuheadji lanjain Kárášjogas ja doaimmaha čájáhusaid ja prošeavttaid riikkaviidosaččat ja riikkaidgaskasaččat.

SDG ohcá ángiris mielbargi, gii nagoda bargat iešheanalaččat ja struktuvrralaččat. Berret leat hutkái, njuovžil ja doaimmalaš, ja čeahppi gulahallat ja ovttasbargat earáiguin. Dus lea buorre bargokapasiteahhta, johtáhat doaimmaid ja barggat árjjalaččat ja buriin movttain. Eaktuduvvo ahte das guhte virgáduvvo lea alit dáiddafágalaš oahppu dahje gelbbolašvuohhta, ja áinnas duodaštuvvon vásáhusat ja/dahje oahppu gaskkusteamis, gulahallamis ja/dahje buvttadeamis.

Virggi váldun lea gulahallat ja gaskkustit guovddáža doaimmaid, ja čájáhus- ja prošeaktabarggut. Bargui gullá maid ohcamušaid ja raporttaid čállin. Virggis galgá ovttasbargat eará bargiiguin, dáiddáriiguin ja olggobeale ovttasbargoguimmiiguin, ja eaktuduvvo oassálastin eará doaimmaide, mat eai njuolga gula virggi váldobargosurggiide.

Oaidnit mávssolažžan dákkár gealbbu:

- Máhttu dálááiggi dáiddasuorggis
- Duodaštuvvon vásáhusat gaskkustan-, gulahallan-, buvttadan- ja/dahje prošeaktabargguin
- Relevánta alit oahppu
- Buorre njálmmálaš ja čálalaš dárogiel (dahje ruotagiel) ja eangalsgiel ovdanbuktindáidu.
- Buorre njálmmálaš ja čálalaš sámegiel ovdanbuktindáidu.
- Máhttu sámi dáidaga ja kultuvrra birra
- Vuodđodási digitála gálggat

Mii sáhttit fállat positiiva, luovvalas ja fáttmmasteaddji bargobirrasa ja mánggabealat, iešheanalaš barggu. Bálká šiehtadusa vuodul. Virgái sáhtta álgit farggamusat, ja dat leat guovtti jagi mearreáigásaš bargu, mii sáhtta guhkiduvvot. Virgái álggedettiin lea geahččalanáigodat.

Ohcamuš persovnnalaš reivve hámis ja CV mielddusin sáddejuvvo:

post@samidaiddaguovddas.no, merkes fáddán “Virgehcamuš”. Ohcanáigemearri:

27.03.2017. Dárkilut dieđuid virggi birra muitala direktetra Jan-Erik Lundström, tel. +47 94138797 dahje stivrrajodiheaddji Bente Geving, tel. +47 996 49 062.

Postboks 190
9735 Karasjok
Norge

telefon: **90244062**
epost: **post@samidaiddaguovddas.no**
www.samidaiddaguovddas.no